

04.12.2019.

Razmatrana Inicijativa Udruženja poslodavaca o formiranju Koordinacionog tijela za parafiskalne namete



Na sjednici su, pored Programa rada Ekonomsko-socijalnog vijeća za područje Bosansko-podrinjskog kantona Goražde za 2019.godinu, razmatrani nacrti Budžeta i Zakona o izvršenju budžeta BPK Goražde za 2019.godinu, nacrt Zakona o ugostiteljstvu FBiH te Inicijativa Udruženja poslodavaca o formiranju koordinacionog tijela za parafiskalne namete.

Kada je riječ o nacrtu Zakona o ugostiteljstvu FBiH, u organizaciji Ministarstva za privredu BPK Goražde, održane su javne rasprave, na kojim je bilo dosta primjedbi na pomenuti Zakon. I Ekonomsko-socijalno vijeće BPK Goražde je imalo određenih primjedbi na pomenuti zakon, te će na isti dostaviti svoje primjedbe Ministarstvu okoliša i turizma FBiH.



Vlada BPK Goražde

Mi ćemo nastojati na neki način da smanjimo obavezu privrednim društvima, u cilju stvaranja povoljnijeg ambijenta za njihovo poslovanje što bi stvorilo uslove za ugodnije življjenje na ovom prostoru. Koliko bi to uticalo na smanjenje budžeta, ostaje da se vidi , a Vlada će razmotriti mogućnosti na koji način će nadoknaditi ta sredstva. Na više sjednica raspravljamo o demografskoj slici društva, ne samo u okviru sjednica Ekonomsko-socijalnog vijeća, na koji način da smanjimo odliv stanovništva sa ovih prostora , i mislim da bi upravo smanjenje parafiskalnih i fiskalnih nameta, što je predložilo Udruženje poslodavaca, bio dobar način da se zadrži stanovništvo u kantonu“- kazao je ministar za privredu BPK Goražde Mensad Arnaut.

